

TUSI AOGA ASO SA



**VASEGA AMATA I**

\*\*\*\*\*



**IANUARI - IUNI**

XX

**2026**

EKALESIA FAAPOTOPOTOGA KERISIANO I AMERIKA SAMOA

TUSI AOGA ASO SA



# VASEGA AMATA I

\*\*\*\*\*



IANUARI – IUNI

2026

**Saunia : Ofisa o A'oa'og Kerisiano**

**MANUIA LE MALOLOGA O LE FONOTELE 2026!!**

**FA'ASOLOGA O MATAUPU**

Mataupu 1 – FEPUARI 01, 2026-----Esau ma Iakopo-----1.  
Mataupu 2 – Fepuari 08, 2026-----Apera’amo-----2  
Mataupu 3 -Fepuari 15, 2026-----Ionatana-----3  
Mataupu Fa’amanatu – Fepuari 22, 2026-----4  
Mataupu 4 – Mati 01, 2026 -----Samasoni -----5  
Mataupu 5 – Mati 08, 2026-----Peteru (Papa/Ma’a)-----6  
Mataupu 6 – Mati 15, 2026 -----Iopu -----7  
Mataupu 7 – Mati 22, 2026 -----Iuta le Sekara-----8  
Mataupu Fa’amanatu -----Aso Sa Laupama-----9  
Mataupu 8 – Aperila 05, 2026 -----Aso Sa Eseta-----10  
Mataupu 9 – Aperila 12, 2026 -----Toma -----11  
Mataupu 10 – Aperila 19, 2026-----Nikotemo-----12  
Mataupu Fa’amanatu – Aperila 26, 2026-----13  
Mataupu 11 – Me 03, 2026 ----- Litia -----14  
Mataupu 12 – Me 10, 2026 ----- Aso Sa Tinā -----15  
Mataupu 13 - Me 17, 2026 -----Kaino ma Apelu-----16  
Mataupu 14 -Me 24, 2026 -----Penetekoso -----17  
Mataupu Fa’amanatu – Me 31, 2026 -----18  
Mataupu 15 – Iuni 07,2026 ----- Isa’ako -----19  
Mataupu 16 – Iuni 14, 2026 -----Noa -----20  
Mataupu 17 – Iuni 21, 2026 -----Aso Sa Tamā -----21  
Mataupu Fa’amanatu – Iuni 28, 2026 -----22

**Fepuari 01, 2026 – Iuni 28, 2026**

**MANUIA MALOLOGA O LE FONOTELE E.F.K.A.S 2026!!!MATAUPU 1:**

## **ASO SA – FEPUARI 01, 2026**

### **MATAUPU: “Esau ma Iakopo”**

#### **Tusi Faitau: Kenese 27:1-40**

**Sini:** Ia a’oa’oina ma faamasani le fa’alogo a fanau ia Esau ma Iakopo, ole fanau a Isa’ako. O Esau o le ulu matua, a’o Iakopo o le ui’i.

#### **Fesoasoani i le Faiaoga:**

Fa’atalofa atu i lau Susuga i Faiaoga, malo le onosa’i i le galuega. Taofi sa maua se malologa manuia, a o feagai ai ma malologa o aso fiafia. E manatu fo’i ua maua se fa’asiliga malosi aea le toe amatalia ai o la ta’ua galuega o lenei tausaga e ala i le a’oa’oina o fanau i le Aoga Aso Sa. Pei lava ona silafia o le vasega amata muamua lenei, o le tausaga 1-4; o le agaga maua lava ia mo nai fanau, ia fa’amasani, lo latou fa’alogo i nai tagata o le Tusi Paia, ma ia fa’amasani lava e pepese i fatuga masani a le Aoga Aso Sa, e a’oa’oina ai foi lo latou ola tuputupua’e. E lē fesiligia le tofā iinā; ua i lau Susuga lava le fa’atuatuga, i auala ese’ese e tata’i ai lagona ma manatu o fanau ia fiafia ma ia maua le olioli e auai ai i le Aoga Aso Sa i lea Aso Sa ma lea Aso Sa.

Fa’afetai le onosa’i, malo le tauata’i i le feagai ai ma galuega aemaise o le a’oa’oina o fanau. O le tatou mataupu mo le Aso Sa, o le tala ia Esau ma Iakopo, pei lava ona i ai le naunauta’iga i le vasega amata muamua, e le o i ai lava se agaga ina ia o’o o’o le tala i lona loloto ma le va’aiga lautele o le tala, a o le agaga maua lava, ia fa’amasani le fa’alogo a fanau i igoa, Esau ma Iakopo, o le fanau masaga a Isaako, o Esau o le ulumatua, a’o Iakopo le ui’i, o Esau e fulufulua lona tino, a’o Iakopo e lamolemole lona tino. Na faoa e Iakopo le tofi o le ulumatua i le togafiti sa fafau e lona Tinā, na fa’aseseina ai Isaako ma avea ai e Iakopo fa’amanuiaga a lona Tamā.

#### **Fa’amatalaina o le Mataupu:**

1. Ia pei lava ona i ai i Aso Sa ta’itasi, ia muamua lava ona fa’afeiloa’i fanau i le laufofoga fiafia, fai se tala fiafia ma fa’afeiloa’i lelei fanau ae le’i amatalaina lau mataupu.
2. Ia tata’i lagona o fanau i le agaga ole fiafia ma le olioli i le taeao o le Aso Sa, e ala lea i le usuina o ni nai pese se tasi pe lua, e saunia ai i latou mo le mataupu. Ia faia se tatalo e amata ai le aoga a le fanau.
3. Ua i lau Susuga lava faitalia i auala eseese e fa’amatalaina ai le tala ia Esau ma Iakopo, ae manatu ia faitau mae’a lelei i le tusi faitau ua tuuina atu, e ootoo mai ai se feoasoani mo le mataupu a le fanau, i se auala faigofie.
4. Fa’aali le ata ua saunia i le fanau ma fa’amatalaina le tala, ata vaaia o Esau ma Iakopo.
5. Saunia fesili e fa’amanatu ai le mataupu a le fanau, a i ai nisi auala ua silafia e talafeagai mo le mataupu a le fanau, aua le vaioa mea lelei.
6. A mae’a le mataupu a le fanau, ua iai le pese ua saunia e pepese faatasi ai, ea talafeagai e mafai foi ona tapena ane ni kopi o le ata, e valivaliina e fanau e faia ai se latou galuega fa’atino o le taeao. Fa’amanuia i fanau, ma faia se tatalo fai-fa’atasi e malolo ai, ma sauni ai mo le tapuaiga taeao.

#### **Fesili:**

1. O ai igoa o atali’i masaga o Isaako? Esau ma Iakopo
2. O ai e ui’i o Esau ma Iakopo? Iakopo

3. O ai e fulufulua lona tino? Esau.



E \_ \_ \_ \_ ma I \_ \_ \_ \_ \_



## Mataupu 2: Fepuari 08, 2026

### Mataupu: “Apera’amo”

#### Tusi Faitau: Kenese 12:1-9

**Sini:** Ia malamalama fanau ia Aperaamo o le Tamā o le Au-Fa’atuatua, ma ia iloa e fanau le fa’aaogaina e le Atua o Apera’amo e fai ma tupuga o le fanauga a Isaraelu.

#### Fesasoani i le Faiaoga:

O le Tusi Paia lava e maua ai lou fesoasoani sili mo le mataupu a le fanau, ia lava sou taimi e mafuta ai i le tusi faitau, ina ia manino lelei le fa’amatalaina o le tala i fanau. O le tala ia Apera’amo ma le vala’auina e le Atua ina ia tu’ua lona nu’u ae alu atu ile nu’u o le a ia faasino atu ia te ia. O le Tamā sa faamanuia i ai le Atua ma ia faatuputeleina ai lona nu’u. Sa ia faatuatua ma talitonu i le Atua i mea sa faasino i ai e le Atua e ala i lona valaauina.

#### Faamatalaina o le mataupu:

1. Ua tu’uina atu le tusi faitau e fesoasoani ai i lau Susuga i le Faiaoga, ia faitau manino ma ia malamalama lelei aea le fa’amatalaina o le tala i fanau
2. E taoto atu lava le faitalia i lau Susuga le Faiaoga i se amataga o lau mataupu o lea taeao e talafeagai ma fa’aosofia ai le fiafia o fanau i le taeao. E lelei lava fo’i ni nai pese se lua pe tolu e fa’avevela lelei ai mafaufau o fanau i lea taeao. Aua nei galo le tatalo e amata ai le aoga.
3. Pau lava le naunautaga o fanau laiti nei ia iloa ta’u le igoa Apera’amo, fa’aali i ai le ata ua saunia . Ia maua’a i mafaufau o le Tamā o le Au-Faatuatua.
4. Ia saunia lelei kopi o le galuega fa’atino, ma ni peni vali e vali ai ata ma fa’aa’oa’o le tusiina o igoa o’i le ata. Naunautaina lava ia amata ona fa’aa’oa’o le tusitusi a fanau ma sipela igoa o tagata o le Tusi Paia.
5. Ua tapena fo’i ni fesili e fa’amautū ai le mataupu mo fanau; ae afai lava e te silafia nis fesili e talafeagai, e le taofia mea lelei.
6. Afai e mae’a, ia fa’amalo ma fa’amanuia ina ai fanau i le galuega o lenei aso, ia faia ma se tatalo e malolo ai; ma sauni ai mo le sauniga taeao.

#### Fesili:

- O ai le Tamā o le Au-Fa’atuatua? Apera’amo
- O ai le igoa o le ava a Apera’amo? Sara
- O ai le tasi tagata na o faatasi ma Apera’amo ma lona toalua ? O Lota.

#### Pese:

Apera’amo Tamā ma lana fanau, E toatele naunau,  
O a’u fo’i le isi, O Oe fo’i le isi ia vi’ia ai le Ali’i (Repeat it seven times)  
(Lima taumatau, Lima Agavale, Vae taumatau, Vae agavale’  
Lulu le ulu, Fa’ata’amilo, Nofo i lalo)

- **Galuega Fa’atino:**

## IGOA

---

A \_\_\_\_\_ ‘

\_\_\_\_\_



### Fesoasoani i le Faiaoga:

- I. Sauni lelei se pese e amata ai le aoga a le fanau, manatua o le agai le tatou faasoa i le faiga uo a Ionatana ma Tavita. O lona uiga e tataua ona tele le tatou Talanoa aga'i i le taua o le faiga uo lelei, o le fealolofaa'i o le tasi i le tasi.
- II. Fesili i fanau po o ai e tele ni ana uo i le aoga. Faasoa i fanau po o a gaioiga lelei e faia e lau uo ia te Oe, faataitaiga-(lima foa'i, giving, e fesoasoani, helping, e fefa'asoa'i, sharing) ma isi gaioiga e silafia.....
- III. Silasila i le ata ua tu'uina atu i tua, e fesoasoani ai i le faamatalaina o lau mataupu, faailoa i fanau le taua foi o le faiga uo a Tavita ma Ionatana.
- IV. Manatua e le'o i ai se naunautaga e soona tala i tua le tatou tala , o le mea taua ia iloa e fanau o Ionatana o lona tamā Saulo le Tupu, ma sa ia fesoasoani ia Tavita ma avea ai ma ana uo mamae.
- V. A maea le mataupu ua saunia le pese e faamanatu ai le mataupu o lenei aso sa, faatasi ai fo'i ma le latou galuega faatino.

### Galuega Faatino:

*Ia silasila ane i le pepa galue, faaali i fanau le ata o Tavita ma Ionatana. Ata valivali. E talosaga atu ia faia ni kopi o le ata/pepa galue ua saunia e faatino ai galuega a fanau. Afai fo'i o i ai nisi auala e silafia e talafeagai, e le taofia mea lelei.*

### Fesili:

1. O ai le igoa o le atalii o Saulo lea na fai ma uo a Tavita? Ionatana
2. O le a le galuega a Tavita sa faia i le fale o le tupu? Ta kitara

### Pese:

I love you Lord, and I lift my voice  
To worship you O my soul rejoice  
Take joy my King in what you hear  
Let be a sweet sweet sound in your ear.

### Pepa Galue:

Igoa \_\_\_\_\_

I \_\_\_\_\_



**Fepuari 22, 2026**

**Suega 1, Mataupu 1-3**

E taoto atu a le fa'atuatuaga i le mamalu o faiaoga i ni auala talafeagai mo mataupu fa'amanatu a fanau laiti. E lelei fo'i ae toe fa'amanatu pese o mataupu ua tuanai. Ua saunia le pepa galue (activity) a le fanau mo lenei Aso Sa o mataupu fa'amanatu. O le faamoemoe taua lava o nai fanau laiti, ia fa'amasani

le latou fa'alogo i tagata ia i le Tusi Paia, ma ia avea ma tauloto, e fa'avae ai lo latou ola a'oa'oina i le Tusi Paia i le aga'i atu i le lumana'i.

1. O ai igoa o atali'i masaga o Isa'ako?  
Esau ma Iakopo
2. O ai e ui'i o Esau ma Iakopo?  
Iakopo
3. O ai e fulufulua lona tino?  
Esau
4. O ai le tamā o le au faatuatua?  
Apera'amo
5. O ai le igoa o le ava a Apera'amo?  
Sarai
6. O ai se tasi tagata sa mafuta ma Apera'amo ma Sarai?  
Lota
7. O ai le igoa o le atali'i o Saulo lea na fai ma uo a Tavita  
Ionatana

**Pule lava lau Susuga i le faiaoga i soo se auala aemaise o ni fesili faaaopopo e manaia tele ai le mataupu.**



## **Mataupu 4: Mati 01, 2026**

### **Mataupu: Samasoni**

#### **Tusi Faitau: Faamasino 13:1-25**

**Sini:**” Ia a’oa’oina fanau ia iloa Samasoni, ma le ala o lona malosia na foaina mai i le Atua.”

Fesoasoani i le Faiaoga: Malo le tauata’i ma le lava papale i le tatou galuega. Ua tuuina atu le tusi faitau, Ia o le tala masani ua silafia fo’i e lau Susuga i le Faiaoga. Pau lava le naunauta’iga i fanau laiti nei ia faamasani ona ta’u le igoa o Samasoni o le tagata uiga ese lona malosia, ona o lona lauao/ lauulu. Ia manuia tapenaga ma le sauni atu mo le mataupu a le fanau.

#### **Fesoasoani i le Mataupu:**

1. Faafeiloa’i fiafia nai o tatou fanau. Faamatala se tala fiafia e saunia ai i latou mo le aoga o lenei taeao,
2. E lelei fo’i ae faamanatu nai pese ma mataupu i aso sa ua tuana’i, e faavevela ai i mataupu o le taeao.
3. Ae le’i amata le faasoia, talatalanoa muamua i le lauao , faatusa i le lauao o le tama’ita’i, e faaosofia ai manatu o fanau i le tala ia Samasoni o le a faamatalaina.
4. Ua saunia le ata faatusa o Samasoni, e fesoasoani ai i le mataupu, faaali le ata i fanau ma faamatalaina le tala ia Samasoni.
5. Manatua e le o i ai se naunautaiga e faamatala le olaga atoa o Samasoni, o le mea ta’ua, ia iloa e fanau le igoa o Samasoni, o lona Tamā o Manoa, ma o Ia o se tagata malosia, e ala i lona lauao.

#### **Galuega Faatino:**

\*Valivali le ata o Samasoni.

*E talosaga atu ia faia ni kopi o le ata/pepa galue ua saunia e faatino ai galuega a fanau. Afai fo’i o i ai nisi auala e silafia e talafeagai, e le taofia mealelei.*

#### **Fesili:**

1. O ai le igoa o le Tamā o Samasoni? Manoa
2. O le a le malosia o Samasoni? O lona lauao

#### **Pese:**

A ia e tau malosia tete’e i le fili  
Aua lava ne’i e faavaivai  
A ia e tau mo le Ali’i o au  
E aoga tutumau. (X2)



Igoa: \_\_\_\_\_

S \_\_\_\_\_

**Mataupu: 5- Mati 8, 2026**

**Mataupu: Peteru (O le Papa, O le tasi o Toa o le Talalelei)**

**Tusi Faitau: Mataio 16:16-18**

**Sini:** Ia a’oa’oina fanau ia iloa le igoa o Peteru, o le tasi o so’o o Iesu. Ua faatusaina foi o ia o le “Papa/Ma’a”

**Fesoasoani i le Faiaoga:**

Faafetai ua tatou aulia fiafia mai foi lenei aso i le agalelei o le Atua, taofi o lo o mau pea le to’ovae i le mamalu o faiaoga, aua lava le feagai ai ma le a’oa’oina o nai o tatou fanau. A’o faagasolo pea le tatou mataupu, lea ua tatou tau ma ii le Soo o Iesu, “Peteru” e pei lava ona taoto se fautuaga o le mea taua lava ia iloa e fanau le igoa o Peteru, o Ia o le tasi so’o o Iesu, ma o le faauigaina o lona igoa e pei ona filifilia ai e Iesu Keriso, ua faatusaina lea i le Papa ia po’o le Ma’a malosi. Lea na valaauina ai e Iesu Keriso, “Peteru, oute atia’e fo’i lau Ekalesia i luga o lenei papa, e le mafai fo’i e faitotoa o Seoli ona manumalo ai.”

**Fesoasoani i le Mataupu:**

1. Fa’afeiloa’i fiafia fanau i se tala fiafia o le taeao saunia ai latou mo le latou mataupu.
2. Fai sina faavevela laititi i nisi o pese i mataupu ua tuanai, e pesepese ma faamanatu ai.
3. E taoto atu pea le faatuatuaga i mamalu o faiaoga aua le faafoeina o le mataupu a le fanau. Ae lelei foi ae tapena ane sina ma’a feololo e ta’ita’ina ai le amataga o le mataupu, faailoa i fanau le maua’a ma le malo o le ma’a.
4. A mae’a ona faasolo loa lea o le tala ia Peteru, ua fa’atusaina i le ma’a.
5. Ua saunia le ata e fesoasoani i le faamatalaina o le mataupu.
6. Ua tapena atu fo’i le pese e faaiu ai le faasoa a le fanau.

**Galuega Fa’atino:**

1. Silasila i le pepa galue mo le galuega tusitusi.
2. Faamasani fanau i le pese ua saunia.

*\*Talosaga atu, ia silasila ane i ni kopi o le latou pepa galue aua a latou galuega faatino.*

**Fesili:**

1. O ai Peteru? Soo o Iesu
2. O le a le uiga o lona igoa? Papa/Ma’a

**Pese:**

“Iesu o le Papa”

Iesu o lou Papa nate aveese a’u agasala

Iesu o lo’u Papa X2


Na e aveese a’u agasala

**Galuega Faatino:**

Igoa: \_\_\_\_\_

P \_\_\_\_\_ O LE

P \_\_\_\_\_ /M \_\_\_\_\_



## **Mataupu 6: Mati 15, 2026**

### **Mataupu : “Iopu”**

#### **Tusi Faitau: Iopu 1:1-12**

**Sini:** Ia a’oa’oina ia iloa ma masani le latou faalogo i le igoa o Iopu, o le tasi tagata iloga o le Tusi Paia, o se tagata onosa’i i puapuaga, ae sa tumau pea lona faatuatua i le Atua.

#### **Fesoasoani i le Faiaoga:**

Malo le onosa’i , faafetai le tauata’i feau ma galuega. O le tatou fa’asoa i lenei vaiaso, o le tala ia Iopu, o le tala masani; ua tu’uina atu le tusi faitau lelei ai ma malamalama atili ai i le tala ia Iopu, ae o le mea taua lava, ia faamasani fanau i le igoa o Iopu, ma a’oa’oina le tusiga ma le sipelaina o le igoa o Iopu. O se tagata na maumea ae sa faatupuina e Satani le papala i lona tino, ae sa tumau pea lona faatuatua i le Atua ona o lona usita’i i le Atua, sa faamanuia i ai le Atua ona o lona onosa’i i puapuaga, ma lona faatuatua ia te Ia.

#### **Faamatalaina o le Mataupu:**

1. Ia fa’afeiloai fiafia fanau i lenei taeao, fesili i ai po’o iai se tasi o fa’anoanoa, fai ni pese se tasi pe lua e saunia ai mafaufau o fanau i le taeao ae le’i amataina le mataupu.
2. Ia amata le mataupu i se tatalo, ia ta’ita’iina e lau susuga i le tatalo a ia fa’aa’oa’o i ai le fanau.
3. Ua tu’uina atu le tusi faitau ma sina fesoasoani i le mataupu, ae taoto atu lava i lau Susuga le faamatalaina o le tala ia Iopu i se auala faigofie mo le fanau. Ua saunia le ata fa’ata’ita’i e mafai ona fa’aali i fanau ma fa’amatalaina lau mataupu.
4. Saunia ni fesili e fa’amautuina ai le mataupu a le fanau, afai fo’i e i ai nisi fesili ma ni auala ua silafia e fa’amautu ai le mataupu a le fanau, ia e le taofia lava mea lelei.
5. Afai e talafeagai, ia faia ni kopi o le ata ua saunia, tufa i fanau latou te valivaliina.
6. A mae’a le galuega o le taeao, ia usuina le pese ua saunia, ma ia faia se tatalo fai fa’atasi e fa’ai’uina ai le mataupu.

#### **Fesili:**

- O ai Iopu? Tagata mauaoloa, Tagata mata’u i le Atua ( ma nisi tali)
- E to’afia le fanau a Iopu? E to’afitu tama, to’atolu teine.
- O le a le ma’i na maua ai Iopu? Tino papala

#### **Pese:**

Lo’u Atua e, ua ou fia ‘ai ia e fafaga ia te a’u  
Lo’u Atua e, ua ou fia ‘ai ia e fafaga ia te a’u  
Lo’u Atua e, ua ou fia ‘ai ia e fafaga ia te a’u  
Fafaga ia te a’u i aso uma o lou ola

Fafaga ia te a’u ile manai mai luga,  
Fafaga ia te a’u i au Afioga  
Fafaga ia te a’u i aso uma o lo’u ola

#### **Galuega Faatino:**

*Valivali le ata ma a'oa'oina le tusiga o le igoa o le tamaitiiti lava ia. Aemaise le sipelaina o le igoa o le tagata o Sini Autu i ai le tala o Ienei Aso Sa.*



# I \_\_\_\_\_

**Mataupu 7: Mati 22, 2026**

**Mataupu : Iuta le Sekara**

**Tusi Faitau: Luka 22:1-6, Mataio 26: 14-16**

**Sini:** Ia a'oa'oina le fanau ia masani le latou fa'alogo ia Iuta le Sekara, o le tasi o le Au So'o a Iesu na faalataina o ia i tupe e tolusefulu.

### **Fesoasoani i le Faiaoga:**

Malo le taupati, fa'afetai le onosa'i i lau Susuga i le Faiaoga, i le feagai ai ma a'oa'oga a le fanau. Ua o tatou tau mai fo'i i le fa'aiuga o lenei masina, taofi o lo'o manuia mea uma i le feagai ai ma mataupu a le fanau. O le tatou mataupu mo le Aso Sa, o le so'o o Iesu o "Iuta le Sekara" ua tu'uina atu nisi o fa'amaumauga i le Tusi Paia o lo'o i ai le tala ia Iuta le Sekara, o le tala masani, ae toe silasila ane i ai mo se isi fesoasoani mo le mataupu a le fanau, ia e pei lava ona i ai le faamamafa o nai fanau laiti, o le mea taua lava ia masani le latou fa'alogo i le igoa o Iuta le Sekara, o le tasi so'o o Iesu sa mulimuli ma fa'alogo i ana a'oa'oga. Ae peita'i sa ia toe faalataina lava Iesu.

### **Faamatalaina o le mataupu:**

1. E taua lava le fa'afeiloa'i fiafia o tamaiti i le taeao, ua i lau Susuga lava le tomai e fa'afoe ai lea vaega taua, e lelei fo'i ae amata i nai pesepesega e saunia ai lagona olioli o le fanau mo le latou mataupu o le taeao. Ia fa'aa'oa'o le tatalo a le Ali'i e amataina ai le aoga.
2. E tele lava auala eseese ma metotia e a'oa'oina ai fanau, taofi o na e i'ina le utaga e fa'afoe a lea fa'amoemoe. Ae ua sauni atu se ata fa'ata'ita'i o Iuta le Sekara e fa'aali i le fanau pe a fa'amatalaina le latou mataupu.
3. Manatua ia fa'aaogaina lava le Gagana pito sili ona faigofie mo nai fanau, o le mea taua ia iloa e le fanau le igoa o Iuta le Sekara, o le tasi o so'o o Iesu, ma o ia na fa'alataina Iesu Keriso i tupe e tolusefulu.
4. Ia saunia fo'i ni kopi o le ata ua saunia, e fai ai se latou galuega valivali ma a'oa'oina le tusiga o le igoa o le tagata o lo'o tau ai le tala o lenei Aso Sa.
5. A maea le mataupu, ia usuina le pese ua saunia, ma ia faia se tatalo e malolo ai ma sauni ai mo le tapua'iga.

#### **Fesili:**

- O ai na fa'alataina Iesu? Iuta le Sekara
- O ai Iuta le Sekara? O le tasi So'o o Iesu
- E fia tupe na fa'alataina ai e Iuta Iesu? Tolusefulu tupe

#### **Pese:**

Tulei ese tulei ese tulei ese  
Avega mamafa uma o lou agaga (X2)  
O agasala uma lava  
Ia goto ifo i le palapala  
Tulei ese tulei ese tulei ese  
Avega mamafa uma o lo'u agaga  
  
Rolled away rolled away rolled away  
Every burden of my heart rolled away (X2)  
Precious blood shed for me  
Cleansed and shed for me  
Rolled away rolled away rolled away

Every burden of my heart rolled away.

**Galuega Fa'atino:**

**Igoa** \_\_\_\_\_

**I** \_ \_ \_ **le S** \_ \_ \_ \_ \_



**Mataupu: Mati 29, 2026**

**Mataupu: Aso Sa Laupama**

**Tusi Faitau: Ioane 12:12-15**

**Sini:** O le faamoemoe 'autu, ia fa'amasani fanau i tala o le Aso Sa o le laupama. Ma ia iloa ma malamalama ia Iesu o le Tupu o tagata uma o le lalolagi.

**Fesoasoani mo Faiaoga:**

E avatu pea le lagona o le faafetai ma faamalo i lau Susuga i le Faiaoga, malo le onosa'i i le feagai ai ma le a'oa'oina o fanau. Ae o lenei Aso Sa, ua i ai se manatu i le tatou Ofisa A'oa'oga Kerisiano, se'i fai foi se suiga.

Ua manatu ai o lea lafo atu lava i lau Susuga a le Faiaoga i ni au metotia fou i le faatinoga o le tala o le Aso Sa o le Laupama. Pe manuia fo'i le tu'u faatasi o le Aoga Aso Sa e fai se faatinoga e tasi uma ai i le tala o le Aso Sa o le Laupama.

### **Ia Manuia le Tapenaga. Manuia le Aso Sa o le Laupama!**



**Mataupu 8: Aperila 5, 2026**

**Mataupu: Aso Sa o le Eseta**

**Tusi Faitau: Mataio 28:1-6**

**Sini:** Naunautaiga lava ia manatua pea e fanau i le tuputupua'e le uiga o le Aso Sa o le Eseta o le Toetu manumalo o lo tatou Ali'i o Iesu Keriso mai le tu'ugamau ma le oti.

**Fesoasoani mo le Faiaoga:**

Manatu ua tuana'i atu le Aso Sa o le Laupama lea ua tatou i ai nei i le Aso Sa o le Eseta po le Aso Sa o le Toetu manumalo mai o lo tatou Ali'i Fa'aola o Iesu Keriso mai lona maliu i le tu'ugamau.

Ua manatu ai la se lagona ona o le mataupu lava lea e tasi e aofia uma ai lava le Aoga Aso SA i lenei Aso Sa; o le a lafo atu lava i Susuga i Faiaoga i se faatinoga manaia ma le faigofie e saunia e le Aiga faiaoga ina ia molimauina faatasi ai e fanau le tāua o lenei Aso Sa. Le Aso Sa o le Eseta.

**Manuia le tapenaga. Manuia le Aso Sa o le Eseta.**



**Mataupu 9: Aperila 12, 2026**

**Mataupu: “Toma le So’o Masalosalo”**

**Tusi Faitau: Ioane 20: 19-29**

**Sini:** O le mea taua lava ia iloa e fanau ta’u le igoa o Toma ma iloa o le s’o o Iesu na le talitonu ua toetu mai Iesu mai le oti.

**Fesoasoani ile Faiaoga:**

E faamalo atu foi i lau Susuga i le Faiaoga, malo le onosa’i i feau ma galuega. Taofi ua silafia le tala ia Toma, le tala masani i le lē talitonu o Toma ina ua fa’alogo i le tala ua toe tu Iesu, sa le’i mafai lava e se isi ona faamautuina le mafaufau o Toma ua toe tu Iesu. Ana le vaai ma tagotago Toma i lima ma mea na tutu’i i fao e le talitonu o Iesu ua toe soifua manumalo mai le oti ma le tuu’ugamau.

**Faamatalaina o le Mataupu”**

1. A lelei lava le faafeiloaiga o le fanau i le taeao, e taofi ua lelei foi le mataupu o lea aso.
2. Manatua le tatalo ae le’i amataina le mataupu, e manaia a le faamasani ona fa’a’oa’o le tatalo a le Ali’i ina ia vave ona masani fanau laiti nei i le tatalo.
3. Ua saunia se ata e fesoasoani i le mataupu, ina ia faaali i fanau ma faamatalaina le tala.
4. Taumafai nai fesili laiti faamautu ai le mataupu a le fanau. Ae afai o i ai nisi fesili ma nisi auala e silafia e lau Susuga mo le faaleleia atili o le mataupu, ua manaia tele fo’i.



## **Mataupu 10: Aperila 19, 2026**

### **Mataupu: Nikotemo**

#### **Tusi Faitau: Ioane 3:1-6**

**Sini:** Ia faamasani le faalogo a fanau i le igoa o Nikotemo, o se faipule Iutaia sa a'oa'o i ai Iesu.

#### **Fesoasoani i le Faiaoga:**

Malo le tauasa, faafetai le onosai ile mamalu o faiaoga, aua le galuega i lea Aso Sa ma lea Aso Sa. E pei lava ona taumafai atu i lea mataupu mo tatou fanau, e le o i ai lava se naunautaiga e o'oo'o i le loloto a tatou mataupu mo tatou fanau laiti; o le agaga maualuga lava ia faamasani fanau i igoa o tagata eseese o le Tusi Paia (Character). Ua tu'uina atu le tusi faitau, manatua, o le tusi faitau mo le faiaoga, aua lau tapenaga ma lau sailiga, ina ia manino le tala o le a faamatalaina i fanau, a ua malamalama lelei le faiaoga. Manuia le tapenaga mo le mataupu a le fanau.

#### **Fesoasoani i le Mataupu:**

1. Ia manatua o le laufofoga fiafia lava e amata atu ile faiaoga, e faapena fo'i ona faaosofia lagona fiafia o le fanau e sagisagi mai i le vasega i lea taeao.
2. Fai se tala fiafia e amata ai le aoga, e lelei foi i le amata i nisi pese o mataupu ua tuanai, e faavevela ma toe faamanatu ai
3. Ua saunia foi se ata vaaia, e aoga foi e faaali i fanau ma faamatalaina le tala, e faapea foi ma le latou galuega faatino
4. Ua saunia le pese, faaiu ai le mataupu, e faaiu ai le mataupu o lea taeao. A ua i ai lava nisi auala ua silafia e talafeagai ma lelei mo fanau o outou feagai, e le taofia lava mealelei.

#### **Fesili:**

1. O ai Nikotemo? O le faipule Iutaia

#### **Galuega Faatino:**

- Saili le auala o Nikotemo ia Iesu
- Faaiu i le pese ua saunia

Faamolemole ia saunia lelei ni kopi o le latou pepa galue aua le a'oa'oina o le tusitusi ma le valivaliina o ata, a fanau i lenei Aso Sa.

#### **Pese:**

1. This little light of mine, I'm going to let it shine X3  
Let it shine let it shine let it shine



**Aperila 26, 2026**

**Suega 3: Mataupu 8-10**

Ia tapena ane lava e lau Susuga le suega tu'ugutu (Oral Test) a le fanau i fesili ua saunia, e toe fa'amanatu ai le latou mataupu ua tuana'i. O le fa'amoemoe taua lava o nai fanau laiti, ia faamasani le latou fa'alogi i tagata ia o le Tusi Paia, ma ia avea ma tauloto, e fa'avae ai lo latou ola a'oa'oina i le Tusi Paia i le aga'i atu i le lumana'i.

1. O le a le mea na tupu i le Aso Sa o le Laupama?  
*O le malaga faatupu a Iesu i Ierusalema.*
2. O lea le igoa o le manu na ti'eti'e ai Iesu i Ierusalema?  
*Asini*
3. O a mea na fola ai e tagata le auala a o malaga atu Iesu?  
*Laupama*
4. E fia aso na i ai Iesu i le tu'ugamau?  
*E tolu aso*

5. O le a le upu a le agelu i fafine na asiase i le tu'ugamau?  
*E le'o i iinei o Ia, a ua toetu mai o Ia?*
  6. O ai Toma?  
*O le tasi so'o o Iesu*
  7. Faapefea ona talitonu Toma ua toetu Iesu?  
*Ina ua vaai i lima o Iesu ma mea na tutu'i i fao.*
  8. O ai Nikotemo?  
*O le faipule Iutaia.*
- Faafetai tele i la Susuga i le Faiaoga mo le galuega mae'a o lenei taeao, malo le tapena fa'afetai le onosa'i i le galuega, taofi o lo'o sologa lelei manuia pea le feagai ma le a'oa'oina o nai fanau. A mae'a le suega ia toe fa'amanatu ni pese se tasi pe lua, ia ma faia se tatalo e malolo ai.

### **Ia manuia tele lenei Aso Sa!!**

\*\*\*\*\*

**Mataupu 11: Me 03, 2026**

**Mataupu : “Litia”**

**Tusi Paia: Galuega 16: 10-15**

**Sini:** Ia a'oa'oina fanau ma ia fa'amasani lo latou fa'alogo ia Litia, o se Tinā sa fesoasoani ia Paulo ma lana galuega tala'i i Maketonia.

**Fesoasoani i le Faiaoga:**

E avatu pea le lagona o le faafetai ma le faamalo i lau susuga i le faiaoga, malo le onosa'i i le feagai ai ma le a'oa'oina o fanau. Ua tatou tulata fo'i i le isi vaitau taua, faapitoa mo nai o tatou Tinā. Ua manatu ai ia aumaia se tasi o Tinā mai i le Tusi Paia e auuala atu ai fo'i se feau taua mo le fanau i lenei Aso Sa, o le Tinā ia Litia. O Litia o lona nu'u Tuatira, o lana galuega o le faatau ie pāuli (purple cloth), sa ia faalogo o Paulo o le tagata o le Atua, sa ia ofo ai lona fale e nonofo ai Paulo ma lana 'au tala'i. O nai fesoasoani na ae, o le faamamafa lava ia iloa e fanau ma manatua pea Litia o se fafine agalelei ma le loto alofa.

**Faamatalaina o le mataupu:**

1. Fa'afeiloa'i fiafia fanau i le taeao, amata ina i pesepesega, fai se tala fiafia e fa'afeiloa'i lelei ai lagona o fanau ia fiafia ma sauni mo le mataupu o le taeao. Saunia se tatalo e amata ai le aoga a le fanau.
2. Ia faamatalaina le tala i le Tinā ia Litia, i le agaga o se Tinā fa'atuatua, Tinā alofa, Tinā loto fesoasoani. Ua saunia le ata e fesoasoani i le mataupu ina ia fa'aali i fanau ma fa'amatalaina le tala ia Litia.
3. Saunia ni fesili e fa'amautu atili ai le mataupu a le fanau. Ia saunia ni kopi o le ata ua saunia e fai ai le latou galuega valivali ma le tusitusi mo lenei Aso Sa.
4. Ia fa'ai'uina le mataupu i se tatalo ua saunia e lau susuga i le faiaoga, faamalo ma faamanuia i nai fanau.


**Fesili:**

1. O ai le igoa o le Tina o lo o tāua i le tala? *O Litia*
2. O lea le galuega a Litia? *E fa'atau ie pauli*

Pese:

Alofa Iesu ia i (tatou uma X3)  
Alofa Iesu ia i tatou uma  
Alofa ia i tatou uma

Alofa i lou Tamā, alofa i lou Tinā  
O lou tuafafine, lou uso laititi,  
Alofa ia te Oe, alofa ia te A’u  
Alofa ia i tatou uma



**Mataupu 12: Me 10, 2026**  
**Mataupu: “Aso Sa o Tina”**  
**Fesoasoani mo Faiaoga:**

Fa'atalofa atu i lau susuga i e faiaoga, e muamua lava ona faamanuia atu le Aso Sa o tinā taofi o lo'o manuia ma saogalemu tapenaga uma o le aso fiafia o nai tinā. Ae ua a'e se manatu i le Susuga i le Faatonu ma le mamalu o le Ofisa nei . [Manatu o lenei lava aso faamanatu o Tinā, ua taga tasi uma lava le aoga aso sa.](#)

Ua manatu lafo atu lava i lau susuga faiaoga aemaise le aiga faiaoga atoa, Susuga i Fa'afeagaiga ma o latou Faletua. E le'o i ai se tatou mataupu autu o lenei aso sa, ae manatu ia saunia lelei ma a'oa'oina fanau ina ia lagona le taua o le alofa fa'a-tinā a'ao mafanafana o le tinā, e tausi ma e i ai lava i s'o se taimi e mana'omia ai Tinā i o latou olaga. E tele Tinā iloga o le Tusi Paia, ae ua manatu taoto atu lava i lau susuga lea tulaga, e fa'alelei tele ai le tatou galuega fai fa'atasi.

# Happy Mother' s Day

## Manuia le Aso Sa Tinā!!!



**Mataupu 13: Me 17, 2026**

**Mataupu : Kaino ma Apelu**

**Tusi Faitau: Kenese 4:1-7**

**Sini:** O le faamoemoe autu, ia faamasani fanau i igoa o Kaino ma Apelu: ma ia iloa, o ulua'i fanau ia a Atamu ma Eva.

### **Fesoasoani i le Faiaoga:**

Faatalofa atu i le mamalu o Faiaoga, taofi ua maua se faasiliga malosi i le malologa sa feagai ai, aua le faaaauaina o le galuega. O le tatou mataupu o lenei Aso Sa, o le tala ia Kaino ma Apelu, o le Tusi Paia lava e maua ai atoaga o le mataupu, ia manatua o tala poo igoa o tagata nei, ua masani ai le tatou faalogo (matutua/faiaoga) ae peita'i e fou lava i le faalogo a nai o tatou fanau. O le faamoemoe mautu lava ia o nai fanau laiti, ia faamasani i igoa o Kaino ma Apelu, ma o ulua'i fanau ia a Eva ma Atamu.

### **Fesioasoani i le mataupu:**

1. Faafeiloa'i fiafia fanau i se tala fiafia o le taeao saunia ai i latou mo le latou mataupu.
2. Fai sina faavevela laititi i nisi o pese i mataupu ua tuanai, e pesepese ma faamanatu.
3. E taoto atu pea le faatuatuga i le mamalu o faiaoga aua le faafoeina o le mataupu a fanau.
4. A maea ona faasolo loa lea o le tala ia Kaino ma Apelu, o le mea taua e fia tuliloa, ia iloa e fanau o Kaino ma Apelu o ulua'i fanau a Eva ma Atamu
5. Ua saunia le ata e fesoasoani i le faamatalaina o le mataupu.
6. Ua tapena atu fo'i le pese e faaiu ai le faasoa a le fanau.

### **Fesili:**

1. O ai igoa o ulua'i tagata na faia e le Atua? Atamu ma Eva
2. O ai igoa o ulua'i atali'i/fanau o Atamu ma Eva? Kaino ma Apelu

**Galuega Fa'atino:**

- Silasila i le pepa galue mo le galuega tusitusi.

**Pese: The B.I.B.L.E**

The B.I.B.L.E thats the book for me

And stand alone by the word of God

The B.I.B.L.E Bible

I'll take it with me

I'll read and pray and then obey

The B.I.B.L.E Bible



**Mataupu: Penetekoso**

**Tusi Faitau: Galuega 2:1-4**

**Fesoasoani mo le Faiagoa:**

Faafetai ua o tatou aulia manuia mai lenei Aso Sa taua foi faa-le Tala e Lelei i le agalelei o le Atua . Taofi o manuia mea uma i le alofa o le Atua, aua le a'oa'oina o nai fanau.

Ae o le Aso Sa fo'i lenei o le Penetekoso.. Ua manatu ai fo'i le Susuga i le Faatonu ma le Ofisa Mamalu o lea lafo atu lava i le mamalu Susuga i Faiagoa mo le saunia lelei o le tala o le Penetekoso po o lea lava ni a outou metotia ina ia fiafia malamalama le fanau i le uigamoni o le Aso Sa o le Penetekoso.




**IA MANUIA LE ASO SA O LE PENETEKOSO!!!**

**Me 31, 2026**

**Suega 4 : Mataupu 11-14**

E taoto atu lava le faatuatuga i le mamalu o Faiagoa i ni auala talafeagai mo mataupu fa'amanatu a fanau laiti. E lelei fo'i ae toe faamanatu pese o mataupu ua tuanai. Ua saunia le pepa galue (activity sheet) a le fanau mo lenei Aso Sa o mataupu fa'amanatu.



**Mataupu 15: Iuni 07, 2026**

**Mataupu: Isa’ako**

**Tusi Faitau: Kenese 22: 1-19**

**Sini:** “ Ia a’oa’oina fanau ia iloa Isa’ako, o le atali’i o Aperamo lea na fa’atonuina e le Atua; Ina ia ave lona atali’i e toatasi e osi atu ai le taulaga.

**Fesoasoani i le Faiaoga:**

O le tala ua laulauvivilu ai a outou Susuga i faiaoga, ae ou te manatu o le lelei lena o le silafia o le tala, o le a faigofie atili ai ona a’oa’oina pea mo nai fanau laiti ia. Manatua faamamafa lava Isa’ako o le atali’i o Aperamo le Tamā o le Au-faatuatua. O le faatuatua lena o Aperamo sa ia usita’i ai lava i le Atua ia saunia lona atali’i e toatasi e osi ai le taulaga.

**Fesoasoani i le mataupu:**

1. Fa’afeiloa’i fiafia nai fanau i lenei taeao fou, Fai sina tatalo e amatalia ai le lesona o le Aso Sa, toe faamanatu nai pese tasi pe lua ua tuana’i ina ia fiafia ai pea le fanau e pepese ai.
2. E i le fa’italia lava o lau Susuga i le Faiaoga i le fa’atinoga ma lau tapenaga i le faamatalaina o le tala o lenei Aso Sa.
3. O le mea taua lava ia teu mau i le mafaufau o fanau laiti nei le igoa o le tagata o le Tusi Paia ua a’oa’oina i le asō pei o Isa’ako o le atali’i o Aperamo lea na osi ai le taulaga.

4. Ua saunia fo'i le ata o le tatou lesona mo lenei aso, ma ia faaaogaina fo'i le pepa galue ua saunia ina ia a'oa'oina le tusitusi ma le sipela a le fanau.
5. Ua saunia fo'i se pese mo tamaiti e faai'u ai le lesona. Manuia tele le galuega o le a feagai ai, i le a'oa'oina o fanau.

**Fesili:**

O ai le Tamā o le Au-Fa'atuatua? Aperamo

O ai na finagalo le Atua e osi ai le taulaga? O Isa'ako

**Pese:**

He is able, He's able I know He's able

I know my Lord He's able to carry me home

He's able, He's able I know He's able

I know my Lord is able to carry me through

**Galuega Faatino:**

I \_\_\_\_\_

I \_\_\_\_\_

ma

A \_\_\_\_\_



**Mataupu 16: Iuni 14, 2026**

**Mataupu: Noa**

**Tusi Faitau: Kenese 6: 14-22**

**Sini:**

Ia a'oa'oina lava fanau ia iloa ona ta'uta'u le igoa o Noa na fau le va'a. O le tagata na usita'i i le fa'atonuga a le Atua. Na faasaoina ai ia ma lona aiga mai le lolo.

**Fesoasoani mo le Faiaoga:**

Taofi e tele lava auala e mafai ona a'oa'oina ai a tatou fanau laiti, e fesuisuia'i fo'i o latou uiga fa'aalia i lea Aso Sa , ma lea Aso Sa. A o le agaga maualuga lava ia e tulituliloa pea, ina ia fa'aataata ma fa'amasani la latou fa'alogi i tagata ma igoa masani ia o le Tusi Paia. E tele ni mea tatou te maua mai i le tala lenei ia Noa na fau le vaa, ae taumafai lava e faamamafa lava i ai ia na o Noa na usita'i i le Atua ma faatuatua ia te Ia na mafai ai ona ia fausia se vaa tele lava. E faamoemoe atu lava i lau tapenaga o le vaiaso i auala ua e silafia ma faigofie mo fanau, e le taofia lava mea lelei uma.

**Galuega Fa'atino:**

Taga'i lava i le isi itulau o lo o lolomiina ai le ata. Saunia lava e lau Susuga ni kopi ma ni penivali. Aemaise ia a'oa'oina le tusiga o le igoa o Noa na fau le va'a.

**Fesili:**

1. O ai na fau le vaa? O Noa
2. O le a le ituaiga tagata e i ai Noa? O le tagata amiotonu

**Pese:**

I've got the Spirit in heart

And its (keeping me alive)X2

I've got the Spirit in my head

And its keeping me alive

Jesus is keeping me alive

**Ch)** I am so happy so very happy

I've got the love of Jesus in my heart(X2)

I've got Spirit in my hands

I've got Spirit in my legs

I've got Spirit in my body

**Pepa Galue:** Valivali le ata o Noa na fau le vaa, ma fa'aa'oa'o le tusiina o igoa o nei fo'i tagata tãua o le Tusi Paia.

Igoa: \_\_\_\_\_

N \_\_\_\_\_ na f \_\_\_\_\_ le v \_\_\_\_\_



shutterstock.com · 2668855623

\*\*\*\*\*

**Mataupu 17: Iuni 21, 2026**

**Mataupu: “ Aso Sa o Tamā**

**Fesoasoani mo le Faiaoga:**

Fa’atalofa atu i lau Susuga i le Faiaoga, e muamua lava ona faamanuia atu i le Aso Sa Tamā, taofi o lo o manuia ma saogalemu tapenaga o le aso faapitoa e manatua ai nai o tatou Tamā . Ae ua a’e lava se manatu i le Susuga i le Fa’atonu ma le mamalu i le Ofisa nei. O le manaia fo’i lea se’i sui fo’i se faalogo ma le va’ava’ai a nai fanau ona o lenei aso e manatu e taga tasi lava le aoga aso sa atoa. O le ala lea lafo atu lava le fa’italia o le aiga a faiaoga ...aemaise Susuga i Fa’afeagaiga ma le Au- Faigaluega i le tapenaga o lenei Aso Sa ina ia manatua pea e fanau le taua o nai o tatou Tamā ia te’i tatou uma. O le fa’aleleia atili ai fo’i lea o la tatou galuega. Manaia fo’i ae faatino se pese aualofa mo Tamā i lo latou aso

**H**

**A**

**Iuni 28, 2026**

**Suega 5: Mataupu 15-17**

E fa'afetai atu i lau Susuga i le Faiaoga , mo le galuega sa feagai ai i lenei afa tausaga fa'alea'oa'oga ua tuana'i, malo le onosa'i faafetai le lava papale i le galuega a le Atua. O le Aso Sa mulimuli lenei o a tatou mataupu i lenei vaega o le tatou aoga aso sa, ua fa'atulagaina mo a tatou suega mulimuli, ua i lau Susuga lava le fa'amoemoe o tatou fanau, ua saunia ni fesili mai lava i le mataupu muamua se ia o'o mai i le fa'aiuga, ae taoto atu lava i lau Susuga lea fa'amoemoe o fanau.

1. O ai igoa o atali'i masaga o Isa'ako?  
Esau ma Iakopo
2. O ai le tamā o le Au-Faatuatua?  
Apera'amo
3. O ai le igoa o le atali'i o Saulo na fai ma uo a Tavita?  
Ionatana
4. O le a le malosiaga o Samasoni?  
O lona lauao/lauulu
5. O le a le uiga o le igoa Peteru?  
Papa/Ma'a
6. O ai Iopu?  
Tagata mauoloa/ Tagata mata'u i le Atua
7. O ai na fa'alataina Iesu/  
O Iuta le Sekara
8. O ai le so'o lē talitonu o Iesu?  
O Toma
9. O ai Nikotemo?  
O le Faipule Iutaia
10. O le a le galuega a le Tinā sa fai?  
Fa'atau ie pauli

Fa'afetai lau Susuga le faiaoga mo le galuega o lenei afa-tausaga fa'a-le a'oa'oga ua maea , malo le tauasa, malo le folau, taofi sa i ai lava fo'i le ma'a tui ma le ma'a gao o le ala, sa lutia fo'i i le peau laga, ae fa'afetai i le utaga mau, o lo o mau ai pea le to'ovae i le Atua ma lona finagalo fa'aali mai mo i tatou uma. Ia silasila pea fofoga o le Atua i so'o se ala o le tautua, ma ia faamanuia atu tusa ma lona alofa fua. Ia manuia tele le faiga malologa, aemaise o le alo atu i le usugafono o lau Ekalesia.

**Manuia tele lenei Aso Sa.**

